


www.BibleForChildren.org


Matthew 1



Edo Elizabeth da watou awa kariga 6 ainda doda God mi anela Gabriel piesiri gupusina, nasi Nasaret yai Galili doda. Edo Gabriel bino kundo gagara dao Mary da yai gupusina. Gagara awa Joseph mi jimbarate geritera. Edo Joseph awa Daotari David da orobe.



Ata anelami sisina, "Mary, God ito yai
dubodave eira, awatedo, adu eote.
Edo imo watou jirido mai engata.
Ainda dao Yesu teyo! Edo mai
eiwawa embo bajina aina. Edo
God Ikanebé Ikane ainda
Mai tara. Badari God mi
ainda apiye David da daotari
anumba ainde piaina, edo ami
Jacob da orobe natopo gisijiaina.
Ainda gisijiarida beao ari itae!"



Ango tesiri Mary mi ge mina anela
de sisina, "Amo nongo nongo anate
tesi? Na gagara tepo, iu itae." Edo
anelami ainde sisina, "Asisi Kotopu
ito yai gumaina, edo God
Ikanebé Ikaneda
gorobami imo
datembedo
apuregaina. Awa
embo, daedo, mai
bata awa kotopu,

edo God da
Mai tara."



Iji angode Mary siya edo burigibé yai
Judea da nasi peji tetembada jiari ainda
maunsisina. Edo eutu awa maundo
Zacharias da mandoda
torido Elizabeth
ategesisina. Iji ainde
Elizabeth Mary da
ategari ingiri mai
saka ainda osi doda
yawa eite gubigabi
esisina.



Edo Asisi Kotopu mi Elizabeth sirido
gisijijisina. Ango esiri imo aoro ikanabé
gatedo sisina, "God da ao ari
bajinabé eutumai berari
daginegedo ito yai
piesira. Edo mai
engata ainda yai
daedo ao ari
bajinabé piaina."



Edo Iesu Keriso nongo edo
engisini awa engo: Ainda ai
Mary awa Joseph mi
jimbarate geritera. Ata
awamane jimbae gisida,
Asisi Kotopu da gorobami
esiri watou jijirisina.
Edo Joseph, Mary
da gerari iu, awa
wasiri dambu darari embo.
Edo iji angode Mary watou
jiriri gido imo eutu awa
dowain kotembesisina.
Ata eutu awa imo mengari
awa jipapa ae esisina,

awatedo
embomaida
jisida
dowainyae
esisina.



Ata giwo, imo eiwa kotembeteiri Badari da anela aturoda idegedo ainde sisina, "Joseph, David da mai, Asisi Kotopu da gorobami esiri mai awa sinenembatara, awatedo adu eote. Mary buyo ito aro are. Edo eutu ami mai engaina, edo mai ami ainda embomai jimbo bebegaeda bundari awa toregaina, awatedo ine ainda dao Iesu tata."



Ango edo Joseph jitao awari dodo erido Badari da
anelami ro arate sisina awa esisina. Edo imo Mary
kumbiri ainda aro esisina. Ata embo ami
ainde kombo ae aundo eutu ainda mai
buwo engae gisida. Edo ainda amboda
engesiri Joseph mi ainda
dao Iesu sisina.



Edo iji ango de, Caesar Augustus mi ge okain sisina,
"Rome butu gano nondari ainda embo berari awa
ajijigewo! Awamane tax
pioré." Edo embo berari
dao piaintedo
awamaneda nasi




ikade ikadedda maunsitera.



Edo Joseph awa David da orobeda edo gumbari. Edo
David da engari nasi awa Beteliem, yai Judea da.
Awatedo, imo daedo nasi
Nasaret, yai Galili da edo
Beteliem da
visido
maunsisina.



Aindabé Mary awa ami jimbarate gerari, embo awa Mary de daedo dao piain maunsitera. Edo eutu awa watoude mai engari tao.



Ango edo Joseph ae
Mary de maundo
Beteliem nasida torido
itero eutu ainda mai
bari iji gupusina.



Edo dederi oro berari awa ato ae, awatedo, eutu
ainda mai buwo engedo gongomi doiedo wo undari
betaiya doda pipisisina.



Edo iji angode wo sima ari embobo nasi ainda demonda
awamaneda wo sipumane muyaende simageteite
itero jijirisina. Edo Badari da anela
awamaneda yai

idegesiri,
Badari da
parara yai
ainda




datembesisina.
Ango esiri gido
awamane adu
bajinabé esitera.




Edo anelami awamanede sisina, "Adu eove! Na imondemane bino dave kundo gupena, ami embo berarida yai yawa ari bajinabé piaina, giwo! Iji boroko

einde
David da
nasida,
Tonembari
Embo ✨

itomane eutumi
engesira. Amo
Keriso, awa
Badari."



"Edo kariwa engo gido nato bino gebé awa: Imomane maundo mai saka gongomi doiari wo undari betaiya doda durari isira awa tambawa."



Edo boraebé anelamane jisi bajina da
utuda edo anela neinda yai idegedo
God dasiga eite sitera, ...





Ango edo anelamane dodo egenembedo
utuda mambero wo sima ari embobomi
akuta mina tara esitera, "Ei pu! Kaende
Beteliem da maundo buro eiwa ro
idegesiri Badari mi tesiri awa
jisimi goré!"



Ango tede, awamane burigibé tumundo
nasida torido Mary ae Joseph de kakowa
ero jiriri taputera. Edo mai saka awa wo
undari betaiya doda durari isiri gositera.



Edo mai awa gido awamanemi bino ro
anelami awamanede tesiri gera awa
kundo idegedo karigetero yai berarida
arapu esisina.



Iji ainde Herod daotari
isiri nasi Beteliem doda,
yai Judea ainda, Iesu
awa engisina. Edo
giwo, ainda amboda
dubogari
embobo

iji vitari kena edo Jerusalem
guputera. Edo awamanemi sitera,
"Jew embomaida daotari arate
mai engisina awa nondari? Nakare
maida dabori iji vitarida isite gido
mai awa tumondebain ain gumbera."



Ango edo Herod dubogari
embobo onjigarida dao
tesiri gumbero awamanede
tedogosisina, iji bé nonde
dabori idegesisini awa. Edo
embo ami awamane Beteliem
nasida piedo sisina, "Maundo
dave edo mai saka awa
kakowa ewo. Edo tamundo
gido, overegedo gundo na
ge tawo gido na
daedo maundo
mai awa
Tumonde
bain ane."




Edo daotari ge tesiri ingido awamane maunsitera. Edo giwo! Dabori iji vitarida isite gositera, ami gisi edo aundo yai mai saka isira ainda ikaneda peposisina. Edo awamane gundo mandoda torido mai saka ae ainda ai Mary de gido, awamane baongo dadari edo mai awa tumondebain esitera.



Ango edo awamane kaita pirigedo kando kundo maide
pipisitera: gold de frankincense de myrrh de.

Edo God mi awamanede aturoda
tesiri gositera, tekago Herod
da yai mamborekae. Awatedo
awamane dodo begata nei
budo awamaneda
yaida maunsitera.



Ango edo awamane idegedo
mambero, giwo, Badari da
anelami Joseph de aturoda
idegedo sisina, "Herod mai
saka awa dari betarate
kakowa aina. Awatedo
eri! Mai saka ae ai de
budo yai Egypt boraebé
mambate. Edo ainda

isiato nane tano gido
tekago egenembata."




Edo Joseph erido mai saka
awa ae ai de budo muyaede
yai Egypt ainda maunsisina.
Edo awamane yai ainda itero
Herod besisina. Aindabé
Badari mi perovetade
matu sisina, "Nane nato
mai awa Egypt dodo
idegarate dao sitena,"


ge awa bé esisina.



Edo iji ainde Herod mi dubogari embobomi imo udumbetera ango gido, imo sinigambari bajinabé esisina. Aindabé dubogari embobomi iji nonde mai awa engesiri awa Herod de matu tetero gosisina, ...



... awatedo imo ge katedo mai
jijianda berari duberi tote
(2) edo tuda Beteliem nasi
doda edo nasi babaingae
demonda awa daedo daro
betorote ge okain sisina.






Ango edo, amboda Herod
betesiri, giwo, Joseph yai
Egypt ainda isiri Badari da
anela aturoda idegedo ainde
sisina, "Ouwamane ainkain
mai saka daro betarate
esitera awa besitara.
Awatedo eriyo! Mai
saka ae ainda ai de

budo Israel
butuda aimbate."



Ata iji ainde Joseph
mi ge eiwa ingisina,
"Archelaus mi ainda
mamo Herod da dero
budo yai Judea
gisijido

eira." Awatedo ge awa
ingido embo awa yai ainda
aundo itari adu esisina.




Edo aturoda God mi
dedegari ge Joseph
de tesiri gido yai
Judea daginegedo
yai Galili ainda

maunsisina.

Edo awamane nasi dao
Nasaret ainda gundo anumbesitera.
Awatedo ge ro peroveta manemi sitera awa
bé esisina, "Imo awa Nasaret Embo tara."



God mi embomai butu dededa dubobé
burisina, awatedo ami ainda Mai
dakaima awa pipisisina, berari ainmi
gebé ari ainda yai pipiteira awa
betainyae, ata wasiri natopo
itari barate.



Matthew 1-2; Luke 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Binandere Bible (bhg) © 2014, Wycliffe Bible
Translators, Inc. All rights reserved

<https://www.bible.com/bible/1407/MAT.1>

©2026 Bible for Children, Inc.

www.M1914.org

www.bibleforchildren.org

